


医林绳墨



嘉慶乙亥秋鐫

醫林繩墨大全

同善堂藏板



重刊醫林繩墨記

嘗讀甲乙經序云通天地人曰
儒通天地不通人曰技醫者技
也實儒者事也夫以醫為儒者
之事可見醫理難明凡疾病
之表裏虛實脈理之浮沉遲

數乘性之寒熱溫平一切句解
義惟儒者能理會耳如古
有不明理之識字不可以為醫
之戒甚矣醫之末可輕言從事
也予年三十不揣冒昧先以求問明
堂鍼灸等書詳明切實乃稍知

人身十二經絡又好仲景原文及
李朱劉薛諸大家證治近代
醫著作六稍涉獵而意旨深
遠茫無折衷因憶靜園姚業
師博覽鑒出亦可謂富所藏
矣而獨於醫林繩墨一書特



夕祿迄常以難免為憾余於
是留心採訪得之於吳興潘氏
迄今二十年朝夕揣摩竊幸
領畧一三大約是書之妙能得
治病經領較之時下醫宗必
讀諸書更覺明白曉暢足

為醫學之津梁近有秋却陳
君見而悅之決意倡集同志
付之梨余思書者天下之公器
也考是書初刻於萬曆甲申再
刻於康熙丁巳垂今百有年
坊本罕親茲賴陳君領袖重




刊活人壽世功莫大焉書成
荻却囑序於余因援筆
為之記 告

嘉慶二十一年丙子三月青浦

竹峰黃煥春書於雲間白龍

潭遺愛堂書次



醫林繩墨大全序

嘗考醫學肇自軒皇苟非聖神亦烏能安危而起死也哉雖然世必聖神而後能精醫學則民生壽命之急須與造化功用所不及而賴爲贊助者不待一傳二傳而斬其術於不可繼矣則古人達爲良相不達爲良醫之說不亦大欺後世與吾人也歟而何其拯救之功與燮理之用每並垂而不朽也則亦恃醫之有經可遵有書可守而已然而高明之士多視爲小技漫不究心一旦身有病與所親之人有病則悉付之庸愚之手使庸愚



之陋識反得以握賢智之生死是亦大可痛惜也矣闕
有涉獵斯術者則又自恃聰明不肯究極精深僅知蠱
淺卽自信自用以致自誤誤人其害尤甚故余嘗鑒之
而思爲身計併思爲身所親計又思爲天下之有身有
親者計是以究心於醫學其諸書充棟汗牛者自揣貧
力不能致卽有約而未精者亦自揣識有未充用必寡
當夫書至余不能致則凡習醫之貧者自皆不能致之
矣余識未能充用而寡當則凡工醫之識有未能充者
必皆用之而寡當矣況其中卽有奉爲金科玉律者又



或彼此異見法用殊途每不足以一人之心志定人之趨守正鰈鰈焉其難之乃於友人祕笈中得見錢塘方先生所著醫林繩墨一書書分九卷卷各九篇篇詳大十一症症各有論論列有方方有加減其間諸證之脉候諸藥之性情咸詳載於各病各函之中又復今古同參標明主意余取而讀之既喜其博取而精研復愛其深思而透悟表裏陰陽辨之甚晰望聞問切合以論功且所持論一稟遺經而察寒熱審虛實調劑變通總蘄中病而止既不膠於古方又不拘於成說余於是構爲

笥珍凡有病者或商問於余或求治於時醫而不效
照所論而施治之見功十嘗八九噫抑何其神奇也
因歎余不習醫又非知醫療不切脉病惟問證而
卽報痊可者要不過奉此繩墨以爲救人之針筏耳
漸爲工醫者所知每每索錄余因不惜資費梓而布之
更附以家藏奇效諸驗方使世之覽者咸知其病用某
方而得宜某方用某藥而合當某藥用之於某症中窅
而迴生且也知某病之起有類於某症而實不可一例
而醫某症之成大不同於某病而亦可觸類而通合宜



而用則於世之疾苦沉痾未必無裨也又未必不與仲
景東垣丹溪河間立齋諸前輩所著書互有發明也况
仲景東垣丹溪河間立齋諸前輩所著書卽所禰汗牛
充棟者也夫得先於斯集約而求之分門別類扼其要
領獲其旨歸而後從而該博焉是又以精益精之大捷
經矣若夫卷分惟九篇各用九證盡九九此又先生生
人生世之微衷矣蓋九爲陽數世賴陽氣而常生人得
陽氣以不死矧諸病逢陽則易治有陽則可治無陽則
不治是先生之以九編集也陽道也卽寓生世生人之

妙道也先生何時人生於前之隆慶失厥禰字其著是書也乃在萬厯之甲申有引自號爲七十有七老和醫官方穀想亦家世相傳而善精岐黃之學者歟

時

康熙十六年歲在丁巳立春後九日向山堂夕惕主人

周京雨郇氏序



醫休繩墨方序

繩墨一書乃爲後學習醫之明鑑俱領內經景升東垣
丹溪河間諸先生之成法而著方立言非方穀一人之
私論也蓋醫之一道其理甚微其責甚重活人生人在
此三指之下兩劑之中若無主見未有不殺人者穀自
肄業以來早夜精心微危是慎日與諸門弟子諄切講
解故以生平所讀之書意味深長之理時刻玩誦或前
先生所立之論未及配方或前長者所主之方未及著
論方論不齊難以應用由是一一配合必使補瀉升降



得宜寒熱溫涼有準分門別類酌病投湯如涉海者援之以指南之針如登山者告之以曲折之路又復定章主意俾不猶疑庶使後之有志救世者引繩畫墨以生人之道而爲死人之具也如其中見有差訛識有未到凡我同志乞爲筆削論訂之則醫林幸甚而醫之爲道亦幸甚

萬厯甲申八月旣望日七十有七老人錢塘醫官方穀

書

醫林繩墨大全目錄

卷之一

中風方論

附中臟中腑中血脉中經中氣類

傷風方論

中寒方論

傷寒方論

風寒方論

中暑方論

附傷暑冒暑及中熱汪夏暑風

瘧症方論

痢症方論

霍亂方論

卷之二

